

北洋官報

目錄

宮門抄
上諭

奏議○度支部奏議準順直賑捐再展一年摺△又奏查

明暨理官參案摺△熱河都統廷奏法政學堂請獎摺

公牘○督憲札二件△警務處詳一件△水利局等詳一

件△東督札一件

文告三則△電報五則△新聞十四則

彙編○南洋勸業會出品分類細目

本局第一百一十一期法政學報今日出版

直隸諮議局議員暨全省士民注意

督憲札發召集諮議局臨時會常年會告示 為照章召集先期諭告事案查 憲政編查館會奏各省諮議局章程內開諮議局會議期分常年會及臨時會二種均由督撫召集常年會每年一次自九月初一起至十月十一日止臨時會於常年會期以外遇有緊要事件經督撫之命令均得召集各等因本年九月初一日為諮議局開辦之期所有議長副議長及常駐議員互選細則暨議事規則旁觀規則并辦事處辦事細則照章係由諮議局議定其書記長書記係由議長選請督撫委派均應先期準備庶屆正式開會乃有軌轍可循查本省諮議局議員等業經舉定本部堂應照章召集議員自九月初一日起齊集天津諮議局議場舉行開會禮式其先期準備各事均屬緊要本部堂并定於八月十六日召集諮議局臨時會應令各議員屆時齊集議場照諮議局章程第十條第三項投票選舉假定議長一人副議長二人暫行提前按章準備以俟九月會期舉行正式互舉除咨呈 憲政編查館查照并飭籌辦處預備議場外所有九月初一日召集諮議局常年會并先期於八月十六日召集臨時會各事宜仰諮議局議員暨全省士民人等一體遵照特諭

宮門抄

七月二十九日 陸軍部 變輿衛 廂白旗值日 榮中堂謝 賞紫禁城內乘坐二人肩輿 恩海

公假滿請 安 葛寶華續假五日 召見軍機 胡思敬遞封奏一件

諭

七月二十九日內閣奉

上諭河南開封府知府員缺緊要著該撫於通省知府內揀員調補所遺員缺著萬本端補授欽此

奏議錄要

度支部奏議覆直督奏請將順直銜封等項賑捐再展限一年摺

奏爲遵 旨議奏事署直隸總督那桐奏順直工賑要需請將原辦賑捐展限一年以備賑濟一摺宣統元年六

月二十日奉 硃批該部議奏欽此欽遵由內閣抄出到部查原奏內稱順直各屬災歉頻仍前於光緒二十九

年秋間經前督臣袁世凱會同順天府尹奏請將賑捐各項核減一成按四成收捐其推廣職銜頂戴仍按五成

核收暨請准收翎枝捐項並將十成貢監收款暫准截留濟用等因奉 旨允准嗣因三十三十一二三等年四

次限滿奏准展限迨至三十四年限又屆滿察看情形仍難停止前督臣楊士驥奏請展辦一年經部議准在案茲

查此項捐輸自光緒三十四年二月初一日展限之日起除去封印日期扣至本年三月初一日又屆一年限滿本

應依限停止惟上年春夏雨澤愆期二麥既屬歉收大秋又復減色民情困苦異常各州縣或請款賑撫或舉辦平

糶計有二十餘處之多需款已屬不貲本年春間又復缺雨飢民來津環求賑濟者相屬於道隨時賞遣回籍並按

口授食量給籽種加以北運等處河工年久失修請款辦工者動輒鉅萬應付倍極爲難其常年經費如天津設立平糶六局及習藝教養游民棲流等所水利施醫等局皆賴捐款源源接濟而辦捐久成弩末收數殊屬寥寥然舍此一線來源別無挹注之策據籌賑局司道請將賑捐再展一年等情詳請具奏前來合無仰懇 天恩俯准將原辦賑捐自本年三月初一日起再行接辦一年俾資補助等語臣等伏查前據直隸總督楊士驤奏請將直隸賑捐再行展辦一年當經臣部議准於光緒三十四年七月二十九日覆奏奉 旨依議欽此欽遵行知遵照在案茲據署直隸總督那桐奏上年春夏雨澤愆期二麥歉收大秋減色民情困苦異常各州縣或請款賑撫或舉辦平糶本年春間又復缺雨飢民來津環求賑濟加以北運等處河工請款辦工皆賴捐款接濟請將賑捐再展一年等因臣等查該署督所奏各節自係實在情形擬請將該省銜封等項賑捐再准展限一年以資接濟恭候 命下卽由臣部行知遵照辦理所有違議緣由謹恭摺具陳伏乞

皇上聖鑒謹 奏宣統元年七月十七日奉 旨依議欽此

度支部奏遵 旨查明監理官陳惟彥被參各節據實覆陳摺

奏爲遵 旨查明監理官被參各節據實覆陳恭摺仰祈 聖鑒事竊臣部准軍機大臣字寄宣統元年六月

二十五日奉 上諭有人奏監理財政官凶暴驕橫威逼人命請飭查辦一摺著度支部按照所參各節確切查

明據實具奏原摺著鈔給閱看欽此遵 旨寄信前來查原摺內稱該員挈眷趁江寬輪船赴漢釀事地方在武

穴之土地名黃州正在湖北地面當經臣部劄飭湖北正監理官程利川按照原參各節就近嚴密查覆並咨湖廣

總督揀派公正人員會同確查去後茲據湖北正監理官程利川呈稱會同湖廣總督所派湖北候補道金鼎會委

清理財政局正科員楊學烜副科員楊炳華同赴安徽省城訪問原摺所指在船日擊其事之安徽候補知府徐企

雲並令其候江寬過皖時卽附搭該輪回鄂以便詳詢江寬本輪辦事人等爲確實之證據茲據委員楊學烜等查

明覆稱訪據江寬茶房桂升等聲稱五月十六日湖南正監理官由南京攜眷赴漢乘坐本輪帶有妻妾子女四人

官親幕友二人婢僕四人家丁廚子五名共十六人至十八日午刻行至黃州以下黃石港以上下巴河地方時開

中飯陳監理官因謂飯味不好喚家丁另煮飯熟嫌其太輒立將跟丁廚司等申斥痛罵並將煮飯之家丁祖發拳

打足踢家人等不敢出聲陳監理官盛氣勃勃復將廚子毆打祖發心懷畏懼乘間跳躍江中停輪援救未獲等語查此案以人命爲關鍵現在詳查情形雖與原奏稍有異同既據查明陳監理官因家丁煮飯不合法輒加打罵致家丁祖發畏威自盡人言確鑿此次江寬輪船抵漢金道親赴該輪晤經理施子香暨帳房諸人詢問各情形大致與楊委員等所稟相同惟據施子香稱是日在官船客廳開飯時諸客均共桌而食惟陳監理係自行煮飯因嫌家丁祖發所煮之飯太輾立時盛怒足踢該僕確係目擊然並未見有拳打之事亦未見遍體鱗傷而該船茶房人等則稱嗣出廳外復打嘴掌並怒氣甚盛祖發畏極是以投江各等語至安徽候補知府祇有徐富年是否卽徐企雲且遠在五河當差自不必再行派員往問以省周折又湖南郭養涵實係郭養源與陳監理同輪至漢已回長沙業由金道託其兄郭道承舉函詢茲接復信亦云係目擊確實之事合將訪查情形據實陳明等因並准湖廣總督咨覆派員會查情節相同覆覈以上所查情形是該家丁祖發被責投江衆口一詞實有其事相應請旨將四品卿銜湖南正監理官江蘇候補道陳惟彥交部議處以示懲儆所有臣等查明監理官被忝緣由理合恭摺覆陳伏乞

皇上聖鑒謹 奏宣統元年七月二十五日奉 上諭已錄

熱河都統廷杰奏速成法政學堂期滿考試給予文憑並請照章給獎摺

奏爲熱河速成法政學堂三學期滿照章考試畢業分別給予文憑並請照章給獎恭摺仰祈 聖鑒事竊查熱

河地方前經奴才籌設速成法政學堂招集滿漢官紳兩班入堂肄業以備任使當將擬定章程暨開學日期專摺奏明嗣因原定分數與 欽定各學堂考試章程不符飭令遵章更正並咨部查照在案茲查該堂自光緒三

十三年十月初一日開學起至宣統元年閏二月底止三學期滿據該堂總辦護理熱河道管廷獻詳請考試並請仿照北洋法政專門學堂講習科章程以第三學期考作爲畢業考試擬於三月內舉行畢業當由奴才親臨該堂督同監督教員等按照平日所學習功課逐一考試並由該監督等評定分數分別等第張榜示衆造具各員紳履歷名次分數功課鐘點表冊呈請奏咨前來奴才查熱河地處偏僻候補報効人員本屬無多地方紳士亦鮮開通故開學之時所招官紳兩班本不足額此次考試畢業除中途退學不計外與考員紳人數無多以致堪以照章

畢業之員亦屬有限茲查官班中考列優等三員中等四員及格六員紳班中考列最優等三名優等十三名中等二十名及格八名自應一律給予畢業及及格文憑該堂原定章程係一年半畢業學部奏定法政講習科學期相同應照講習科畢業獎勵章程凡考列優等之官班候補府經歷張模候選判陸祖培候補知縣李宗元考列中等之承德府教授馮士傑鑲白旗前鋒校六十七候缺筆帖式廣啓騎都尉阜康均請免其再入法政學堂仍儘先差委紳班中考列最優等優等中等之舉貢生員紀春書等照章儘先保送考選優拔及考職考列最優等之監生楊玉林優等之監貢生吳守章師範畢業生楊家林監生李保臣周煊項建功中等之郭徽之劉潤田杜維國徐成孫廷相何正衡等均擬請給予八品職銜其考列優等之縣丞職銜郝世勳府經歷銜王錫三中等之縣丞職銜李毓棠安汝止趙連棟李五臣曹國棟張桂叢候選縣丞何正名均請照章稍示變通給予七品職銜並均委充籌辦地方自治員以示鼓勵現在該學堂已遵部章改爲講習科及格與未滿三學期之各員紳仍於二班講習科開學時飭令入堂補習以資造就除造具清冊分咨核外所有熱河速成法政學堂官紳兩班考試畢業分別等第給予文憑並請照章給獎緣由理合恭摺具 奏伏乞 皇上聖鑒訓示謹 奏宣統元年七月二十三日奉 硃批該部議奏欽此

公牘錄要

督憲端准外務部咨和國派海軍艦隊前來中國各大口岸游歷聘問札飭所屬口岸照章接待文

爲札飭事七月十八日准 外務部咨開准和國駐京員使照稱本國政府現派海軍艦隊前來中國各大口岸游歷聘問業經開船此係本政府重視中和交涉之意本大臣甚願據以奉聞其所派艦隊係屬南洋之鐵甲三隻長官係海軍總統迪都漫所擬必到之口岸係大沽上海廣州廈門等處汕頭一岸去否未定仍擬拜晤南北洋大臣約西歷本年九月底可到大沽俟有准期再行奉告應請轉飭上開各口岸文武官弁至期接待等情相應咨行貴大臣查照轉飭所屬口岸於該艦隊到時照通行章程接待可也等因到本大臣准此除分行外合行札飭札到即便照章接待

督憲端准郵傳部咨送電政統計表札飭電報總局查照填註文

爲札飭事宜統元年七月十八日准 郵傳部咨統計處案呈准 憲政編查館咨開光緒三十三年九月十六日

本館具奏請 飭各部院衙門均設統計處一片奉 上諭統計一項尤宜各部院先總其成著各部院設立

統計處由該管堂官派定專員照該館所定表式詳細臚列按期咨報以備刊統計年鑑之用欽此欽遵刷印原奏

咨行到部遵於光緒三十四年十二月二十二日具奏請設本部統計處一摺奉 旨依議欽此欽遵查統計一

門考察既往之事實以圖將來之改良與行政關係極爲重要本部管轄船路郵電四政尤宜分門列表以資考鏡

現在電政一類除各省歸本部直接管轄之電局已將所訂表式發交上海電政局轉飭各電局遵辦外其各省官

辦電報應辦統計仍由本部頒發表式分咨設有官電局省分轉飭各該局照式繪表分別填註茲將本部擬定之

電政表式共十四紙附以表例說明咨行貴督查照轉飭所屬電局迅將光緒三十三三十四兩年統計以次趕辦

於文到之一個月將光緒三十三年各表先行填齊送部再填三十四年表式亦以一個月爲期至宣統元年統計

務須於明年正月送部如有不兼發商報之電局即將統計報費各表毋庸填註餘表仍須照辦以憑彙造總冊轉

咨憲政編查館核辦可也等因到本大臣准此合行札飭札到該局即便遵照迅速詳細核明將各表分別填註依

限呈送來院以憑核咨限期甚迫萬勿違延切切此札

警務處詳覆遵飭核明吳橋縣稟請獎勵警務員紳等文並批

爲遵飭核明詳覆專案查署吳橋縣呂令調元稟請獎勵警務員紳一案宣統元年六月初六日蒙 督憲那批據

稟已悉仰警務處核明詳辦稟抄發此繳等因奉此遵查該縣巡警前派稽查委員前往點驗考其精神形式均尙

可觀今據該令稟稱巡官警董等辦理警務甚爲出力其籌備經費亦不以去秋之歉收稍形拮据稽查員分路暗

查無間風雨是該員等均不無微勞足錄自非量予獎叙不足以示鼓勵本司道等公同核議擬懇 憲恩俯准將

該縣巡官徐盡齋傳若梅巡董王廷楷趙文瀾曹廉勤等五名均賞給五品獎札朱瑞福存記候升巡官何德昌賞

給六品功牌以勵賢勞而昭激勸所有遵飭核明緣由理合詳請 憲台鑒核批示祇遵實爲公便

督憲端 批據詳已悉吳橋縣辦理巡警前經該處派員查明精神形式均尙可觀應准將出力員紳酌給獎叙以示鼓勵巡官徐盡齋傳若梅巡警王廷楷趙文瀾曹廉勤等五名均給五品獎札朱瑞福由該處存記候升巡官何德昌准給六品功牌茲將牌札隨批印發仰卽飭縣轉給祇領仍飭該縣督同認真整頓隨時改良毋任始勤終懈遺誤地方是爲至要此繳

水利賑撫兩局會詳遵飭籌議土城等村紳董稟請挖河賑撫俟明春察看情形再行詳辦文並批

爲會同籌議詳請立案事竊於宣統元年六月二十二日奉 憲台札開據天津縣土城村村正劉恩林等具稟麥苗被毀被乾河道不通飲水無自請賑撫等情到本署閣督部堂據此除批稟悉飭房查得五月初八日並無該村正等請工請賑之稟茲據稱麥苗被毀被乾收成不及往年十分之二粒食艱難多不舉火且河道不通飲水無自候行賑撫局水利局查勘明確籌擬詳辦並候行天津道查照計粘抄稟等因奉此職局等伏查該村等麥苗被毀河道不通飲水無自民情困苦自應先由職賑撫局酌撥洋銀派員携往各該村查看情形擇尤酌撫去後旋於本年七月十一日據天津土城村等四十七村村正劉恩林等聯名稟稱爲民衆款絀賑非其時擬俟來春劃墾行水以工代撫據實上陳懇恩轉詳立案事竊職等四十七村聯名在 署閣督部堂那行轅具稟以麥苗被毀河道不通懇請撥款賑撫等情一案當蒙批示稟悉飭房查得五月初八日並無該村正等請工請賑之稟茲據稱麥苗被毀被乾收成不及往年十分之二粒食艱難多不舉火且河道不通飲水無自候行賑撫局水利局查勘明確籌擬詳辦並候行天津道查照等因仰見憲恩高厚視民如傷之至意欽感同深旋奉憲局會商派携帶銀洋數百元親往海河三灣沿河各村擇尤酌撫職等遵卽先行前往挨村調查實在田禾被害日食維艱之戶究有若干以便委廉到時得以導引覆查查沿河之園田麥苗乾壞實在待哺者至少亦在二成統計在三千戶內外每戶照銀洋一元酌撫亦非三千元不能救其一時之急此就有地之戶而言倘向來傭工極苦之戶紛紛跪求則需款益鉅決非數百元所能濟事當茲庫儲奇絀籌工籌撫已屬爲難職等世居斯土絕不敢沽名見好轉負憲局撫卹小民之心茲公同會商本年二三月間海河工程司會同名曰石大人者在沿河三灣築壩遍栽柳樹二十餘萬株其間侵佔民田甚多致沿河各村麥苗日就枯萎生蟲彼時職等尙以三灣廢河官家准歸海河公司管轄是以未敢冒

味濱陳迨後調查明確實爲曹革道嘉祥派其家丁石桂三假洋工師出名所爲始敢稟求拔樹開壩然已在四五
月間麥苗被毀者十之八人畜無水吸飲困苦不堪若彼時酌放急撫適當其厄入夏以後晚禾均已補種雨水亦
尙調勻舊河亦有潮可引所有此次求撫之處應請暫爲緩辦以節賑款惟來春河道必乾更有大壩阻水青黃不
接之時民困必較今尤甚擬請憲局派委熟悉河工人員前往勘估招集附近貧民挑除阻水大壩根基酌挖引河
以工代撫俾十數村民咸慶更生工款省而獲益良多矣職等往返函商意見相同理合披瀝上陳叩乞局憲鑒察
俯賜轉詳立案並請分咨水利局天津道查照實爲公便等情到職賑撫局查該紳等所稟尙屬實情應准俟明春
開凍時由職局等派員查勘妥議詳辦除批示並咨外所有遵飭籌議土城等村紳董稟請挖河賑撫擬俟明春
察勘情形再行詳辦緣由擬合會同具文詳請 憲台鑒核俯賜批示立案實爲公便爲此備由具呈伏乞 照詳
施行

督憲端 批如詳立案繳

東督錫札催各屬填送民政財政統計表文

爲札催事照得此次應辦光緒三十三四兩年民政財政兩項統計預算時期於七月間卽須一律彙總造表咨送
爲時甚促勢難或緩各屬承辦各表設有一處填送未齊彙總之件因之卽須擱筆以待現查前發各屬承辦民政
財政統計各表均限文到日起一個月內一律填報今民政統計應填各表限期已滿各屬填送到院尙屬寥寥實
屬玩延不成事體若不嚴定處分何以儆泄沓而赴限期查近據民政部以各屬凡造予限飭辦事件每多遲延詳
請明定功過以資懲勸等情前來當經批飭凡遇勒限事件除去行文往返程期逾限一月不覆者記過一次二月
不覆者記大過一次三個月以上按月遞加大過一次其查報不實敷衍塞責者酌量事之輕重詳請記過撤案依
限查報精確者詳請記功其記大過積至三次或記過積至六次無功可抵者立予撤任停委以儆玩泄而資整頓
卽由該司移會各司道會同妥訂詳細章程呈候通飭各屬一體遵照在案此屆承辦統計 憲政編查館據爲刊
刻年鑑之遇事關重要屆期如果不能咨送必干詰責將來遠限各處自應按照新章辦理以爲承辦不力者戒爲
此札飭札到卽便遵照速將發去民政財政統計各表依限填送以憑彙咨毋任遲延自干重咎凜之切切特札

文告錄要

督憲批示錄要○大名鎮稟派兵在臨洛關南北兩岸巡護鐵路并將緝獲竊犯請示由 批據稟已悉仰即移會
臬司轉飭該丞訊辦具報并仍督飭弁兵隨時彈壓巡查以安行旅此繳

天津北段巡警總局批示○順德府唐山縣優廩生胡駿業稟請補充警兵事 批來稟閱悉方今時事多艱正賴

國民提倡尙武精神庶可挽回大局該生所請願身充警兵以資歷練足徵該生有志向上殊堪嘉許應即照准
俟有額缺卽行傳補尙望該生動慎從公始終勉勵本總辦有厚望焉此批○奉天退伍兵高雙印稟請承充本
局巡警事 批來稟閱悉查 陸軍部奏定章程凡退伍兵丁僅准投充本省各州縣巡警憑照內載之甚詳今

該兵籍隸山東自應回籍投効本局未便顯違部章所請碍難照准所呈憑照一紙著來局具領領取毋得再瀆
切切此批○候補府經歷胡平秩稟爲家丁田富行踪詭秘起意私逃懇准據情立案以防後害事 批據稟已

悉所稱已辭家丁田富行踪詭秘恐在外有不法情事以後與該員無涉請爲立案前來事屬可行應卽照准此
批

天津縣議事會議覆公告○南鄉王家台蔡家台村正程天澍等說帖爲懇請速撥學款以便開辦事 議覆說帖

閱悉已交董事會同勸學所調查俟覆到再爲核議此覆○商民韓貴長說帖爲勾串合謀冤抑莫伸懇恩核
議以昭公允而安良善事 議覆說帖閱悉應交董事會調查明確以便核議○單連第同姪恩榮說帖爲說明
冤沉海底原委叩恩提議事 議覆說帖閱悉候交董事會調查覆到核辦此覆○職商楊瑞林說帖爲造言騰
控事 議覆說帖閱悉本會無案可稽應勿庸議此覆

電報錄要

倫敦電○美國紐約消息美總統戴夫德氏現在函致國會於下次開議時提議在郵政局內添設儲蓄處以便存
款并謂此處添設後可收數百萬鎊之存款聞此款每年均由美國運往他國

又電○義國京城日前地震歷十餘秒鐘居民甚爲惶恐均奔往街市屋中傢俱多被震動達安尼德禮拜堂前面
震裂

又電○英政府因現在列強均擴充海軍擬每年籌撥的款二十五萬鎊以助澳洲海軍之用

又電○波斯京城消息波政府現在需款甚殷與某國銀行籌借國債以稅款作抵該銀行因稅款不敷所借之數

不願籌辦現波政府決定請列強設法相助

紐約電○日本駐美國赫德森地方總領事因美國舉行赫德森地方大紀念會特將日皇賀電遞交該處署知事

並將日本櫻樹三百株送與美國以便在中央公園種植

新政紀聞

政治

電詢駐防議員議決權限○憲政編查館接江督張制軍電云甯屬諮議局籌辦處轉據駐防議員崇樸等呈稱查

諮議局章第二十一條首列應辦本省各事件本省字義範圍甚廣是否包舉駐防在內現今旗制尙未裁改凡

提出之議案推至於駐防該地方者應否由專額議員自行議決抑照章由多數議員共同議決及議決後之執

行應照章專歸督撫抑仍歸將軍副都統如軍統概不執行究宜如何辦理綜茲疑義大懼牴牾呈懇咨達鈞館

請爲明確剖示等情查核所呈各節關係撫民職任權限理合據情電請鈞處鑒核開會期近乞即分晰電復以

便飭違當即電覆云馬電悉駐防原在本省之內自應包入其提出議案推及駐防地方者除關國家定制本非

諮議局所得參預外凡與本省有相關者應即共同議決專額議員爲數無幾不得自行決議至議決後執行之

處仍查照舊章辦理

解釋選舉章程要電○民政部致桂撫電云貴處咨送自治章程施行細則第十一條云納稅捐尤多者即婦人孺

子亦得爲選民等語文意含混易駁誤會查自治章程第十八條第二項規定其不能自行選舉權者得遣代理

人之該條應將此意詳細解釋以期周密旋接電覆云早電敬悉已行自治籌辦處遵照矣謹覆

派員調查審判廳情形○蘇省籌辦各級審判廳前經派委候補知縣俞志善大令前赴京津等處參觀以便回蘇

仿辦前日俞大令已回省稟覆現經瑞中丞以籌辦各級審判廳事屬創辦毫無把握京津等處亦係初創應即

再行委員赴日本調查參觀以資借鏡爰委警務處參事官王大令兆甲給資前往日本調查各項規則並參觀

開庭審判各情形逐一登記回省稟覆核辦

審判研究所考取學員○皖省設立審判研究所所有招考學員業於上月初十日考試經本所總辦評定甲乙分別去取計取學員三十名備取學員十一名聞日內即須開學又聞該所現因講堂寬闊添招旁聽員若干名所有現充要差各員有志嚮學者准予赴所報名聽講以宏造就

學務

淑慎女學添設植物科○奉省營口官立淑慎女學堂近又添聘教員教授植物之學聞該教員於植物學素有心得講解詳明使人易於澈悟而女學生亦盡心研究日有進步云

教育展覽會催送陳列品○湖北教育成績展覽會定於八月朔日開會所有各學堂成績陳列品尙未送齊日前該會遍發傳單所有未送成績品均須於七月二十日以前送會以便布置

咨查撥補日本學費○浙撫接准 度支部咨稱日本官立各高等學校學費業經由制用司議詳請在前派赴日本留學師範生百名項下學費移補本年考送高等各校第一年學費計日幣五千八百元第二年學費計日幣一萬一千七百元按墨洋約計加一成核銀在於宣統元年地丁款內動支銀八千五百八十兩折合日幣匯解詳咨應需匯費及幣價有無盈絀另再找解等情咨部查照前來查浙省應解第一年奉派高等學費即在師範生百名內抵補第二年據稱於本年地丁款內動支等語本部查與奏准原單應解經費銀數並日幣折合庫平數目均屬相符惟稱在於地丁內按款動解如該省每年應解京協各餉毫無短少該項銀兩即可准其動支如各餉項未能清解所有前項學費仍當遵照奏案另籌抵補不得再於地丁案內動支等因業由撫院分飭藩學二司會核妥籌詳辦

財政

諭催財政處籌辦事件○度支部財政處於日前奉堂官諭交以財政處成立已久所有應行籌辦之調查各省徵收慣例并定訂丁漕鹽課關稅釐金以及各項雜稅改良徵收章程等項是否辦有端倪陸續呈堂核閱以清秩序云

免貼州縣官紙品規費○南洋印刷官廠前定章程紅白稟每套四角另提一角作爲州縣規費白稟二角另提五分爲州縣規費民間呈遞稟件狀紙須一律遵用官品惟衙門既定有規費書役不得仍前需索竊屬各州縣以定價甚昂相率遷延觀望不肯備價購領現由該廠詳明督院擬將津貼各衙門規費一概免給卽以此款作爲推廣分廠之用當經張制軍核准由該廠通飭各屬遵照矣

定期實行稅契新章○蘇省徵收稅契自光緒三十年起仿照甯省停止契尾一律改用官契不分買契典契均徵稅三分民間隱匿偷漏幾至不可究詰現准部頒新章買契徵稅九分典契徵稅六分先典後買准予扣還原納之典稅各等因蘇撫瑞中丞以照此辦理隱漏之弊恐仍不能免特飭司籌議辦法酌定起限加徵日期茲由司議定八月初一日起責成各縣一律實行至如何防弊之法尙須參酌甯省章程辦理

委員考查統捐辦法○閩省釐金一項積習相沿弊端百出今春經閩督松鶴帥奏准仿鄂省統捐辦法改名統稅但試辦之初未臻妥善收數反日形短絀特札委稅務局提調明太守祖培到鄂考查統捐詳細章程以資借鏡

商 務

函詢洋貨各商捐案○天津議事會日前致函商務總會云敬啓者案據京津兩幫綢緞洋貨商潮建廣福州各幫洋廣貨商等投遞說帖內稱商務凋敝特懇申請減免河工碼頭兩捐以紓商困等情謹查列憲所定捐案敝會向無底稿碍難應請貴會將該項捐案全卷賜下以便公同核辦專此函懇順請公安

紹郡組織商學公會○浙江紹興府水陸交通商務頗盛茲由職商鮑承先等發起組織商學公會延聘通員隨時講演商學商法並妥訂章程通稟立案當奉該府蕭太守批云目今爲商戰世界亟應竭力整頓以籌抵制該職商等糾合同志組織紹興商學公會察閱章程亦甚妥洽具見振興商學深堪嘉尙應准如稟立案仍候奉到撫憲勸業道憲批示飭遵

商務分會之成立○湘省商務總會日前奉到農工商部札文據平江縣職商等請設商務分會公舉二品頂戴候選道凌文蒂爲總理擬具章程履歷稟請加札給委等因查平江爲商務繁盛之區請立商會自應照准核閱所訂章程尙無不合所舉總理凌文蒂既據稟稱才地資望均屬合格應卽照章札派以專責成發去札文一件仰卽轉交祇領應用圖記式樣一併彙給刊用

第二百八十四類 蠶之種別

家蠶 柞蠶 天蠶

第二百八十五類 養蠶改良法及其改良器具

第五門樹桑

第二百八十六類 桑之種別

總計二百數十種不俱載

第二百八十七類 種桑改良法及其栽植器具

第十五部 茶業

第一門茶商

第二百八十八類 茶行之組織及其銷售方法

第二百八十九類 裝置法及其用具

第二百九十類 茶輸出之方法及在外各國貿易概況

第二百九十一類 公共團體之組織及其急宜改良方法

第二門製茶

第二百九十二類 茶之種別如左

一綠茶

珠茶 元珠茶 娥眉 熙春 他溪等

二紅茶

彩花白毫 橙色白毫 白毫小種 工夫 武夷碎葉白毫 粉末白毫 碎混茶 碎葉小種 碎葉等

三烏龍茶

普通烏龍茶包種等

四磚茶

紅茶製綠茶製

第二百九十三類 製茶方法

一綠茶製法如宇治法再製法之鍋焙法籠焙法等

二紅茶及烏龍茶製法如萎凋揉捻蒸暴露乾燥等

三磚茶製如篩粉強壓等

第三門出口茶檢查

第二百九十四類 檢查方法如形狀色澤 水色 茶滓 茶力 香味 貯藏

第二百九十五類 檢查器具

第十六部 園藝

第一門庭園點綴

第二百九十六類 亭榭欄杆橋假山花棚石塔燈臺等之模型及圖畫

第二百九十七類 琴 棋 書 畫 桌 椅 机 榻 匾 對 毯 帳

第二門栽植品

第二百九十八類 果實

第二百九十九類 花卉

第三百類 盆栽

第三百一類 竹木

第三百二類 種子及苗木

第三門栽植裝置器具及方法

第三百三類 溫室土窖及苗床等之計畫及模型

藥到回春

頭痛虛弱而獲全愈漢口某君深感韋廉士大醫生紅色補丸之功效洪君如浙之甯波人也年二十有四歲今在漢口華寶公司營生本局代表人嘗至其處得聆其自述之詞如左云○余曩歲曾患血薄氣虧身衰體弱等症計閱數月之久因身體如此輒弱幾至不能行走少一動作便覺乏力又兼頭痛如劈骨瘦似柴面容憔悴毫無血色彼時適在上海永大錢莊為業身居要職責無旁貸奈因衰弱之故常致未能盡職屢欲告假臥輒數日雖延名醫診治並服中外各藥迄無效驗正在困苦失望之時幸遇申友勸服韋廉士大醫生紅色補丸余即從而服之數瓶以後便覺少愈其奏功之神速有令余不得不耐心再服者余甚樂告知自得此丸之後莫不旋服旋愈真有藥到春回之樂焉無何頭痛頓止面容豐滿氣色光艷身壯力健無異舊時每日辦公雖至煩劇不覺其勞此皆韋廉士大醫生紅色補丸之功也其有益於余身者豈淺鮮哉○韋廉士大醫生紅色補丸能使洪君如身復原有力量者以鮮紅稠濃之新血以補其全身也是丸常以此力經過血中屢治一切

漢口洪君如君玉照



疥疔疹 皮膚各症 發熱病後 紅白痢疾 腦筋衰弱 少年斷喪 陽萎不舉 左癱右換 腳氣衝心 諸
 中天下馳名誠為婦科之聖藥凡男子因吸鴉片或因他故操勞過度居處不潔以致身體受損者一服是丸奏效如神韋廉士大醫生紅色補丸絕無嗎啡鴉片以及有害雜質在內是以男女老幼皆可服之虞無也 中國各處商店藥房凡經售西藥之處均有代售或直向上海九江路B字第八號韋廉士大醫生藥局總發行處購買亦可 價銀每六瓶英洋八元每一瓶英洋一元五角遠近郵費一律不取

上海九江路B字第八號韋廉士大醫生藥局啟

京奉鐵路總局廣告

本局現奉 郵傳部札開本部統轄全國路政所在需員鐵路管理人才尤為缺乏非亟宏造就不足以重路政而策羣才現京師設立鐵路管理傳習所專造就鐵路人才為宗旨三年畢業後分派各處練習選升要職等因奉此本局現定於八月十七日考試所有報名各生自八月初一日起投赴本局報名填冊至初八日截止屆時從嚴甄錄不限額數以及格為准考取各生限九月初間一齊到京所有招考章程十四條及三年功課表列後仰投考諸生一律遵照特佈

郵傳部鐵路管理傳習所招生章程十四條

京奉鐵路局啟

新 啟 告廣司公限有灰洋



啟者本公司係承受唐山洋灰公司老廠另購外洋最新式機器旋客等創設新廠自丁未臘月新廠開機以來出貨加增行銷愈廣灰質經本廠西洋化驗師悉心研究精益求精會寄由德國國家栢林及日本關東都督府各化驗所驗得動力堅力及凝結時刻灰之粗細均合要工所用其成色與外洋最高之貨相等尚有機器製造之缸磚花磚洋灰瓦水溝管矸子土等項無論躉零交易均可本公司總理處設在天津海大道英租界並在北北京奉天大連烟台牛莊青島上海漢口南京鎮江各埠均設有經售處如蒙賜訂大批價值從廉交貨不悞期限所有洋灰及各種磚瓦等件重量式樣大概用法另刊有華洋文廣告 光顧諸君請向本公司索閱面議一切可也

德律風一千三百零九號

得利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參歲等處均設立有年諸班貨物由外洋本機器廠自造磁蘭洋鐘皮套鐘天文坐卦等鐘以及金銀夾金銅鋼等表約有二百餘宗並各樣表練金鑽珠寶鑽石戒指留耳墜鐲子表墜大小八音盒並留聲話匣單雙桶千里眼磁蘭磨花穿衣鏡妝梳洋鏡

瑞林祥元記 綢緞洋貨莊

本號開設北京前門外鮮魚口天津估依街中間路北山東濟南府院西路北自置綢緞紗羅顧繡粧蟒洋貨布疋各色喇啞厚呢京廣什貨俱全貨高價廉劃一不二後廳內專售線貨織絨袍料衣被套口袋線毯毛毯零賣均照行價發兌中外 紳商賜顧移玉是幸 瑞林祥元記具

武齋洋行

本行開設天津 於茲二十餘年 自運各種洋貨 絨紗布匹綢緞 鑲化屏風鏡額 磁銅料器漆畫 奇巧美術玩器 學界文房用品 旋行携帶等件 精工鑲身物料 定織各色唐氈 現又擴充樓房 極其寬闊高大 如蒙官商光顧 價值格外從廉 本行隨便入覽 電話一千三百七十四號 天津法租界 武齋洋行謹啓

本局廣告

本局承辦印刷研究
精良近益不惜重資
延聘外洋著名工師
添購新式機器精製
雕刻銅版所有承印
各種紙幣股票等件
圖畫精巧色澤鮮明
紙質堅緻屢蒙中外
官商照顧願加獎
譽茲為推廣招徠起
見自本年承印各
項價格外減讓以
副官商雅意如蒙
賜顧請至本局賬
房面議可也

本局告白刊例

登一日者每字取洋五釐 三日四釐 七日三釐 十五日三釐
一月二釐 半年二釐 長年一釐 五
以上均按四號字起碼加寬行數照所佔面積計算
登錄商標刻工另議
三號字加半倍 二號字加一倍

天津銀號廣告

本銀號代辦直隸公債所有本年宣統元年二月初一日四月六
月初一日第四年第一第二第三三期應付本利銀兩即係原日六
十五年期限業經照數分付廣登廣告各在案茲值本月初四日第
四期滿給還本利之期凡天津暨各府廳州縣各票主請查照章程第
七條持票至原借各府廳州縣及各籌款分局核取本利銀兩且期滿之
票並可任便抵納地丁錢糧鹽課關稅及各項稅捐已詳請督憲照
奏准章程通飭各屬不准留難需索務即持票兌取現銀毋得自誤再如
有以前到期未經支取各票本利銀兩亦可至原借各處驗票發特此
佈告

工商演說廣告

啓者八月初三日晚八鐘至十一鐘仍在東馬路宣講所內演說工商各
項要理並請何子琴先生演說機器論馬力之理由李子鶴先生演說商
業競爭宋則久先生演說南洋勸業會與工商之關係務希各工商屆
時惠臨入聽不取分文特此佈告 天津勸工陳列所謹啓

天津商務總會代收甘肅賑款昨匯公砒化寶銀五千兩移解賑撫局轉
解災區散放矣

天津救急善會具

北洋法政學堂專門學堂招考中學學生廣告

本堂擬添設中學班遵照學部中學堂分科章程專設文科一類為法政專門之豫備畢業後直接升入本堂正科不得轉學他處茲定於九月初一日招考先期自七月二十日開始報名至八月二十五日截止凡有志諸生查照左列各要件屆期來堂報名為幸

課程 (照中學堂文科課程辦理惟外國語一科以日語為主英語為輔)

獎勵 (畢業後照中學堂章程請獎正科畢業後照高等學堂章程請獎) 宿舍 (概由學堂豫備) 年齡 (十五歲以上二十二歲以下) 年限 (照中學堂章程五年畢業升入正科後二年畢業) 學膳宿費 (每月共六圓) 入學資格 (中文通順曾在高等小學堂肄業二年以上者)

勸賑隴災啟

敬啟者昨聞甘省督藩致各督撫請助賑電云甘省連歲苦旱蘭州七屬暨涼州平番鞏昌安定等州縣前歲被災去秋尤甚今春雨雪愆期近會甯碾伯及各上司又先後報災邊地高寒水泉素乏童山彌望生植不饒一遇旱乾即成凶禔現被災之區草根樹皮掘取殆盡鄉間人口牲畜已多餓斃又接甘省紳士紛紛來函據稱該省至有人相食之慘窮民紛紛逃竄糧價日增麥已漲至每石三十六七兩稻草已漲至每斤二十七八文視向來不啻十倍伏念甘省僻在西陲地瘠民貧蓋藏本鮮此番被災時則三年之久地則數十州縣之廣人則百數十萬之多雖督臣奏上朝廷曾撥帑金六萬散諸災區勢難維給非再有巨款接濟何能救此哀鴻夫天災流行國家代有救災恤患義不容辭況甘民雖素稱良懦然飢寒所迫恐有鋌而走險之虞加以西北地方近接強鄰回亂以後元氣未復禍機一發何堪設想今日之救甘民為甘民計未嘗非為全局計也現上海諸公已發起助賑會無非出於愛國愛民之苦心同人復敢為甘民請命敬懇 仁人君子慨然解囊量力輸助以便彙寄該省活此窮黎庶幾上紓朝廷宵旰之憂下解民生倒懸之苦功在一隅澤敷全國甘民幸甚天下幸甚謹啟

籌賑處

北京驛馬市大街恆裕金店
天津獅子林北洋官報總局

恤隣廣告

敬告者現值兩湖吉林各省被水成災居民田廬牲畜沖沒殆盡其情慘不忍聞亟應勸辦義賑以資協濟如蒙諸大善長慷慨捐賑款請送至北馬路商務總會擊取收據以便彙解災區散放拯救災黎不勝盼切之至此佈

天津救急善會具